



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

Caput IX.

urn:nbn:de:hbz:466:1-9459

§. 2. Quandoquidem prohibitionibus Apostolicis refragatur, patentibus nudè collaribus lineis, cum annulis, chirothecis, manicis, etiã hieme frigoris arcendi causa, Sacrosanctum Missæ officium celebrare, vel crucem aliquam sive auream sive argenteam, sive ex alio metallo ante pectus suum suspensam, etiam extra Missam palàm deportare; hinc severè inhibemus, ne ullus Civitatis & Archidiocæsis Nostræ Coloniensis Sacerdos, etiam Præpositus, Archidiaconus, Decanus tam Collegialis quàm Ruralis, Doctor Prothonotarius Apostolicus, Canonicus, Pastor, Vice-pastor collaribus lineis detectis, aut, nisi sit Episcopus vel Abbas jus baculi ac mitræ deferendæ habens, anulum in digito, aut manus chirothecis, sive manicis tectas, gestans, Sacrificium Missæ celebrare, vel extra illud crucem in pectore, nisi quibus id ex speciali privilegio Apostolico cõpetit, palàm deferat; si autem secus quisquam fecerit, is Nobis aut Generali Nostro in spiritalibus Vicario, non tantum ipsius collaris, annullivè seu crucis, chirothecarum & manicarum privatione, sed etiam graviore pœna arbitraria pro ratione delicti puniendus, denunciatur.

Collarium chirothecarum, annulorum usus in Sacris prohibitus.

Infrà partii 3. tit. 1. cap. 2. §. 10.

CAPUT IX.

§. 1. IN Missis necessariò adhibendi sunt ministri, saltem privatis in Missis unicus, qui totius populi nomine Sacrificanti respondeat, ac vinum aquamque porrigat. Et ne ministri hujusmodi malè vestiti (quemadmodum æstate penè nudos pueros scholares in hac provincia reperire est) vel pannosi & sordidati contra Sacrificii Divini reverentiam adhibeantur;

Laici Sacri Ministri.

54 *Decreta & Statuta Maximiliani Henrici*
volumus, ut sint honestè vel palliati vel super-
pelliceis induti, quæ in defectum ex antiquis
sacerdotum Albis conficiantur, vel ex commu-
nibus Fabricæ Ecclesiæ redivisus nova paren-
tur; serventurque cum aliis sacris vestibus in
sacrario, ac publicis Ecclesiæ sumptibus cre-
brò abluantur. Detestabilis verò est consuetu-
do, quæ in quibusdam Archidiocesis Nostræ
locis viget, ut Sacerdotes tum Seculares, tum
Regulares, maximè in pagis, Missam sine mi-
nistro respondente celebrent, eam ubivis loco-
rum, tanquam ab Ecclesiæ traditione & Apo-
stolicis Constitutionibus abhorrentem man-
damus, sub gravissima pœna arbitrio Nostro
infligenda omninò abrogari, & eandem hoc
Nostro decreto sancimus esse abrogatam.

c. hoc quoque de consecrat dist 1.

*Masculi sine
non femina.*

§. 2. Cum minister in Missis adhibendus de-
beat esse mas non mulier nulla prorsus fœmi-
na cujusvis ætatis, aut conditionis nec sancti-
monialis quidem in Monasterii sui Ecclesia,
Sacrificanti ministret, aut Clerici Sacerdoti
Sacris operanti Ecclesiæ nomine respondentis
officium usurpet; nec Sacerdos ullus eam ad-
mittat; sed potius abstineat à Sacrificio, aut si
gravior Sacri faciendi necessitas urgeat, sibi
ipsi Sacerdos ministret & respondeat; Satius
enim est sine ministro, quàm fœmina ad Alta-
re respondente & urceolos porrigente, &c. ce-
lebrare. Tanti est fœminam abesse à Sacrificio,
etiam Religiosam

*c. Sacratas dist. 23, c. inhibendum §. prohibendum de
cohabit. Cleric. Statuta Sifridi Archiepisc. Colon. cap. 1.
pag 35 col. 1 §. nec. Mulier.*

*Ministro-
rum habitus
& alio.*

§. 3. Dum Missa in quacunque Civitatis vel
Archidiocesis Nostræ Ecclesia, Subdiacono
vel Diacono Ministrantibus, cantatur, sacro
Subdiaconatus vel Diaconatus Ordine insigni-
ti de-

ti, debitâ Clericali Tonsurâ, sacrisque vestibus juxta Ordinem quique suum ab aliis sint distincti, nec unquam à Sacerdote, cui inserviunt, ne quidem ut Chorum cantu juvent, recedant sed ad finem Sacrificii eidem ad Altare assistant, aut si Celebrans sedeat, hinc inde utrumque ejus latus confidentes claudant. Assistant autem locis & modo in Rubricis Missalis Romani vel Cæremoniali Episcoporum præscriptis, cum omni vultus maturitate, modestia morum, & gravitate, ut ne se invicem quidem, nisi ministerii duntaxat sui causâ, multò minus alios aut Clericos aut Laicos vagis & curiosis oculis vel aspiciant vel alloquantur. Si quis autem in hoc vel discessu ab Altari, vel alio quovis modo peccaverit, ab Ecclesiarum Prælati, Decanis, & Superioribus, quorum est hujusmodi excessus & culpas corrigere, severe pro ratione delicti, juxta decessoris Nostri Sifridi Archiepiscopi Coloniensis Statuta puniatur; acrius tamen quàm mitius, ut pœna unius cæteri facilius emendentur.

c. hoc quoque de consecrat. dist. 1. Statuta Conradi Archiepiscopi Colon. c. 7 pag. 11. & 12. sub fin. Concil. Provinc. Colonien. Sub Henrico Archiepiscopo Colon. cap. 11. pag. 87. Statuta Guilielmi Archiepisc. Colon. §. 15. pag. 151 & Friderici Archiepiscopi Colon. cap. 45. pag. 215. col. 2. & sequen Concil. Provinc. Colon. sub Hermanno s. post. 3. cap. 27. pag. 362. col. 2.

CAPUT X.

§. I. **C**VM sancta Mater Ecclesia Catholica Apostolica Romana, Spiritus sancti instinctu non sine gravi & justa ratione singularis Dominicis & Festis diebus, singula ac peculiariter assignaverit officia, mos ille admodum est improbandus, quem imperitia cantus, ac librorum defectus in his partibus genuit, nempe quod diebus Dominicis inter Festum Pas-

Officia Dominicalia propria retinenda in Sacrificio.